

欽定剿平三省邪匪方略

欽定剿平三省邪匪方略附編卷二

丙寅年

八月十八日

壬辰

德楞泰奏言查賊匪現有二千

餘人馬騾二百餘匹此時洋縣失守漢中城固

實爲可慮亟應迅速剿盡以免蔓延查陝省新

兵八千餘名現經方維甸楊遇春酌挑帶往雖

楊遇春素能駕馭該兵等心懷叵測不足深恃

必須多調陳兵相間鎮懾方可絕其反側之心

而賊勢如此亦必須厚集兵力計出萬全若於
初次見仗時痛加剿殺大挫賊鋒則勢如破竹
易於集事若不俟兵齊卽行接仗設或未能得
手恐賊勢益張附和響應者多辦理棘手臣於

西安滿營內挑派馬兵二百名軍標又挑帶二
百名又於潼關協標內挑派二百名取道北棧
前進約計所調河州兵一千五百名計日亦可

到棧臣即可順便帶往一面已知照撫臣提臣

此次剿匪不可再募鄉勇復貽後患至叛賊強悍情形非綠營官兵所能制相應懇請

皇上酌派巴圖魯侍衛三十員卽行前來以資派委至東三省勁旅如

回鑾時軍務尙未告蒞仰懇

聖恩卽將東三省隨圍之墨爾根並學習之官兵約

一百名

派令領隊大臣帶領來陝於剿捕實爲有益奏入

上命軍機大臣傳諭德楞額奏曰陝省新兵居多不足
深恃而現在初次接仗尤須大加剿殺使賊匪驚
心喪膽方足以挫賊勢而壯軍威所論甚是與朕
旨悉合又稱此次剿匪不可再募鄉勇尤爲至當
不易之論如果地方百姓自行團練堡寨護衛身

家此則聽其自便不必官爲經理至於用以剿賊則斷不可本日已簡派溫春桑吉斯塔爾薛大烈三人先將吉林學習行圍之官兵二十一名帶往令於明日迅卽起程兼將上次派往臺灣頭起之巴圖魯侍衛官兵內遴派三十人一併帶往俟出哨後再將盛京黑龍江墨爾根暨學圍官兵派交富翰等續帶赴陝以資剿捕此項勁兵陸續到陝

兵威壯盛自可將叛逆一鼓殲擒佇望捷音仰慰
廛注

同日

上諭內閣曰著派溫春桑吉斯塔爾薛大烈與此次
吉林學習行圍官弁二十一人及上次派往臺灣
頭起官弁五十人內遴選三十人馳往陝西交德
楞泰委用再溫春帶往印務筆帖式穆克通阿護

軍校孫札泰薛大烈帶往千總邢雲漢葉自發外
委把總劉勇兵丁李廷忠王思袁義龍亦著一併
馳驛前往

二十二日

丙申

方維甸楊遇春奏言

臣

等於初三

日察看壻水河水勢稍落督兵淌渡探聞賊匪
竄向西河有趨石泉縣之勢隨僱備船隻令陝
安鎮總兵王兆夢由漢江帶兵順流而下抄赴

賊前寧陝鎮總兵楊芳帶領本鎮各營新兵亦
由水路接續前進臣等派兵留防城固帶領現
到之固原官兵並漢中各營新兵由旱路沿江
東發初七日總兵王兆夢帶兵趕抵石泉差探
匪蹤正趨該縣王兆夢督同署縣陳澍將城關
居民搬移城內挑派壯丁與官兵嚴密防守初
八日戌刻賊匪撲近壕邊吶喊攻城經我兵矢

石鎗礮齊發賊匪稍退旋又連撲數次均經我
兵擊退該匪將城外居住民房焚燬頭頂門板
桌面遮擋鎗箭分赴東西兩門欲燒城門王兆
慶督率都司齊慎千總鄭富德率兵奮力擊打
斃賊一百餘人該匪隨時將屍身拖去燒燬至
初九日黎明總兵楊芳帶領官兵續行趕到該
匪始行退去隨查點擊斃賊匪屍內有頭戴金

頂花翎草帽身穿半截蟒袍之賊目一名頭戴
金頂藍翎草帽賊目一名頭包紅綢手帕旗手
一名當卽割取耳記并獲大旗一面臣等查該

匪連擾數處營汛均有叛賊內應昨又攻陷洋
縣勢漸鳴張茲經官兵抄赴石泉斃賊多名賊
鋒稍挫各處城守兵民亦可力加振作該匪現
走之路東可通漢陰廳北可通寧陝廳臣等現

帶固原并漢中各新兵約共二千餘名仍卽顧
西截擊再查寧陝尙有存營新兵楊芳素得其
心可以管帶已飭令調出另爲一隊以資趕剿
又查初一日賊匪攻擾洋縣時署知縣曾彰泗
在城守禦迫城上民夫潰散匪衆紛集軍功頂
戴王登福趙全家等掖令曾彰泗逃避該令堅
不肯行將洋縣印信交伊叔曾愷帶出旋被賊

匪執縛賊以曾彭泗籍隸四川係其同鄉脅令
同行該令大罵賊匪忿恨縛赴城隍廟湯泡火
烙身受多傷罵不絕口而死家人魏陞一同被
害又前署華陽縣丞乾州吏目劉錫名已經卸
事行至洋縣幫同守城亦被賊戕家人王珏白
才二名一同被害城內衙署倉庫監獄均被焚
劫現已委漢中府經歷朱點接署縣事將被難

民人妥爲撫卹再洋縣監犯昨經投回袁開鳳等二名又投回軍犯徐茂等四名又據署寧陝同知李晶稟報寧陝監犯除監犯郭老么等六名先已投回外其汪得萬等四名亦俱全數投回已批飭臬司查案辦理奏入

上命軍機大臣傳諭德楞額奏方維甸曰方維甸楊遇春奏稱賊匪竄向兩河等處有趨石泉縣之勢該

撫等商令總兵王兆慶由漢江帶兵順流而下抄
赴賊前該鎮趕抵石泉督同署知縣陳澍嚴密防
守次日賊匪連次攻城欲燒城門經官兵擊斃賊
匪一百餘人內有賊目二名旗手一名等語此次
尙係守城並未擊剿然有王兆慶一路兵力趕赴
石泉城內固守卽能斃賊百餘擊退賊匪且城內
亦並無內應之賊可見新兵中未必人懷異志此

時惟當將叛賊痛加剿洗其安分自守之新兵仍應妥爲安撫現在調集隨營者祇須密爲防範不可稍露形跡亦不可置之不用轉致生其疑慮如有剿賊出力致被傷亡者當尤加獎勵卹賞況此時各處陳兵將次調齊聲勢旣壯卽有一二狡譎之徒亦必心生畏懼潛自消弭設新兵中有彼此挾讐誣叛者切不可輕信其言妄擊株累俾反側

自安計德楞泰日內早到軍營與方維甸等會晤
卽當催集前調之兵督率迅速圍剿總在初次接
仗時痛事殲除足使賊匪喪膽則官兵銳氣倍增
勢如破竹矣勉之望之至擊斃賊日頭戴金頂翎
枝者係何姓名其所戴翎頂是否係從前充當鄉
勇時軍功賞給者抑係賊匪自行戴用並著查明
具奏又據奏洋縣知縣曾彰泗於賊匪攻城時經

軍功等掖令逃避該令堅不肯行旋被賊匪執縛脅令同行該令大罵賊匪縛赴城隍廟湯泡火烙身受多傷罵不絕口而死曾彰泗深知大義慘遭戕害實可嘉憫著加恩照知州例咨部賜卹並著於事竣後設立該令牌位於城隍廟之配殿歲時春秋官爲致祭載入祀典庶使該處紳民及守土之兵共知國家褒獎忠烈至意其署縣丞吏目劉

錫名路過洋縣幫同守城亦被戕害著咨部賜卹
其該縣及該吏目被害之家人三名著照例卹賞
至洋縣被賊劫放投回監犯袁開鳳等六名及寧
陝續行投回之汪得萬等四名均著減等發落著
方維甸卽飭知臬司遵照辦理

二十四日

戊戌

德楞泰奏言

臣

途次接據陝安道

陳祁稟報本月初八日叛賊竄至石泉經總兵

王兆慶擊退後至西關外山梁屯聚又據署寧
陝同知李晶稟報叛賊等於十一十二等日折
竄獅子壩逼近廳城署總兵胡定泰帶存營新
兵在城防堵等語現聞賊匪攻擾石泉之後人
數又增馬本有二百餘騎近亦增添非厚集兵
力不足挫其兇鋒且現據護總兵胡定泰具稟
寧陝存營新兵前經撫提臣親爲安撫已屬寧

貼乃一聞叛賊有折回之信卽有越城潛逃之
人此外各營新兵內似此者尙多設以尋常之
兵急於逼剿恐萬一稍有挫失是以臣札致撫

臣總宜稍候兵力不可急於輕試臣已飛咨勒

保將前此預備派赴臺灣屯土官兵二千名迅
速前來聽候調遣并調松潘營兵一千名建昌
營兵一千名又新疆營兵一千名來陝會剿謹

遵

諭旨將前在軍營歷經得力之侍衛章京等三十人
開寫名單進呈伏候

賞給以資管帶臣瑯卽兼程前進奏入

上命軍機大臣傳諭德楞泰方維何日寧陝叛賊由
洋縣竄抵石泉經總兵王兆夢帶兵剿逃之後復
於十一十二等日北竄獅子壩逼近寧陝驪城現

據署總兵胡定泰稟報寧陝存營新兵內一聞叛賊折回之信卽有越城潛逃之人德楞泰以各處新兵似此者尙多恐不足恃必須調集多兵方可痛剿現已札致方維甸不急於輕試所見甚是朕心亦以爲然此時並不加之催迫但此時必須四面兜圍使之不能外軼則大兵齊集之後卽可一舉殲擒倘防堵稍有不嚴賊復他竄則將來分投

剿捕更爲棘手德楞泰務須飭令各處加緊防堵
勿令奔軼出山致有蔓延此爲最要至此時陝省
各營新兵較多自不可輕爲嘗試但現在如川省
田朝貴唐文淑已帶川北重慶兵二千名由漢江
南岸而來豐紳亦先經帶省標及松潘建昌兵三
千名由七盤關一路赴陝楚省復有呢瑪善帶領
鄖陽宜昌兵二千名由白土關進發甘省河州兵

一千五百名亦經游棟雲帶領赴陝固原兵亦經方維甸早爲調集數路官兵總共有八千餘名兵力已數倍於賊又非同省之人有何疑慮自應乘機卽爲剿辦若必俟派往之東三省及屯練到時方議進兵未免坐失機宜太遲緩矣德楞泰總當於持重之中仍加以奮迅若能於東三省及屯練之兵未到之前早爲蒞績豈不更善兵貴神速想

德楞泰亦能見及於此也再前此先派溫春桑吉
斯塔爾薛大烈帶領巴圖魯侍衛官兵五十餘員
名起程赴陝本日德楞泰所請派往之巴圖魯侍
衛等各員名亦已准令派往尙有盛京黑龍江學
圍官兵墨爾根等均於出哨後卽交富翰百順分
兩起帶領赴陝計前後共一百數十員各此項官
兵必須馬力方維甸務當先期預備應壯馬匹以

利遄行爲要

同日全保璵圖禮奏言

臣

等接准

欽差大臣德楞泰咨稱寧陝賊匪竄擾洋縣等處須用重兵剿辦行調宜昌鎮標兵一千名鄖陽鎮標兵一千名統交鄖陽鎮總兵呢瑪善管帶由竹谿白土關一帶赴陝聽候調遣等因查德楞泰指調鄖陽鎮標兵一千名

臣

等早經飭令該

鎮挑備惟所調宜昌鎮標兵一千名臣等未准

德楞泰咨調之先已派撥一千名前赴邊界與
川兵犄角防堵以杜該匪向東南奔竄之路此
時未便移動其餘該鎮所屬存營兵丁僅止一
千餘名難以再調祇有提臣慶溥前經

奏明挑備提標兵一千名可以就近派往現已飛
咨慶溥將所備提標兵丁一千名同鄖陽兵一

千名挑選曾經出師諳練將弁帶領一併交與
呢瑪善管帶前赴陝省協剿此項官兵所需整
裝銀兩及沿途應需口糧等項現均妥爲應付
至鄖陽竹山竹谿等處近邊要隘恐有逆匪竄
往不可不嚴密防範現經提臣慶溥同護理鎮
務之副將劉廷基駐劄鄖陽巡查防範用臻周

密奏入報

聞

三十日

甲辰

德楞泰奏言查總兵楊芳在寧陝數

年整飭營伍是其專責乃所管兵丁竟至叛逆
祇因該鎮署理提督遠在固原情稍可原是以
督撫臣未經叅奏迨寧陝鎮城被擾之後業經
督撫臣奏明將該鎮調回本任該鎮卽應先至
寧陝將存城各兵及一切撫馭防備事宜妥爲

安頓乃帶領固原兵二百名由棧道漢中一帶繞道行走嗣抵城固後提督楊遇春將調出寧陝各營新兵統交楊芳帶回以防叛賊折竄詎該鎮既未趕緊馳回迨行至石泉與賊相近又未能迎頭攔截竟視此起叛賊與彼無干以本鎮防堵安輯之事悉委之於初到護理之叅將胡定泰似此避難就易之員若不據實叅奏何

以肅軍紀而示懲創相應據實叅奏請

旨至此時賊匪於十六七等日攻打焦家堡後聞有

奔向東南竄四畝地並鎮安之勢現在該匪等

四路皆可奔竄臣體察叛逆情形惟當專力用

剿不必設防擬俟官兵齊集分爲四隊視賊所

向四面會合圍剿萬一打散卽分投緊躡無論

竄川竄楚臣總當緊躡督剿尅期掃除奏入

上命軍機大臣傳諭德楞泰曰賊匪此次攻擾焦家堡後有向東南奔竄之勢關係緊要該處東南卽係鎮安商維一帶路通豫省該匪等從前隨營充當鄉勇於官兵虛實及川楚陝道路情形均所熟悉此時官兵雲集其路迤川楚地方接壤處所有各該省官兵防堵協剿該匪豈肯迎向有兵處所此次或由陝竄豫肆行搶掠俱未可知除諭知馬

慧裕督飭兩鎮帶兵於各要隘嚴密防堵外德楞
泰總當妥爲布置顧住東南將賊匪逼向西竄聚
而殲洗爲要又據奏體察叛逆情形惟當專力用
剿不必設防倘賊竄川楚德楞泰總當緊躡督剿
等語所見皆是賊匪本屬無多官兵但不予以暇
隨處擊剿自不必多設防兵徒滋糜費至楊芳係
寧陝總兵所管兵丁竟至叛逆本有應得之咎今

帶兵回省又復繞道行走及至石泉與賊相近未能迎頭攔截實屬懈玩此時若遽將伊革職伊轉得置身事外楊芳著先革去翎頂暫留本任仍責令帶兵剿賊立功自贖以觀後效如仍前疎懈卽著德楞泰嚴叅治罪

上又命軍機大臣傳諭馬慧裕曰本日據德楞泰奏寧陝叛賊攻擾該廳附近之焦家堡後現有奔竄

四畝地並鎮安之勢等語鎮安商雒一帶如牧護
關龍駒寨等處在在與豫境毘連此時該逆勢欲
東趨心殊叵測設竟竄近邊界一切防堵事宜全
無預備成何事體著馬慧裕卽加緊飛飭岷永桐
蔡鼎各帶南陽河北二鎮官兵速赴豫陝邊境擇
要防堵設有竄近之賊先由五百里速奏卽當以
剿爲堵與陝楚等省官兵共收夾擊之效

九月初四日

戊申

湖廣總督全保湖北巡撫瑚圖

禮奏言查寧陝叛賊滋擾此時陝省各路官兵俱在賊之西南北三面一經進剿敗竄零匪恐向東逃則楚省鄖竹邊界在在緊要前此慶溥與呢瑪善各於所屬營內挑派兵一千名堵守今前項官兵二千名已飭呢瑪善帶領赴陝協剿不能兼顧楚省邊界必須另爲籌撥

臣

全保

現於荊州荊門黃州漢陽各營內抽調官兵一
千五百名飭派曾經出師將弁分起管帶前赴
鄖陽交與提臣慶溥分佈要隘如果賊匪竄近
兵尙不敷再於臣等所轄本標內業經挑備之
一千名酌量調用至前次派往川楚邊界之會
哨兵一千名仍飭宜昌鎮總兵吉林泰管帶於
巴巫一帶探防以壯聲勢藉杜零匪由大寧奔

竄西南之路所有應支鹽糧軍裝等項均已按
例撥給奏入

上命軍機大臣傳諭全保瑚圖禮慶溥曰鄖陽二竹
地方在在可通陝省賊蹤飄忽一經官兵剿急或
竟思奔竄入楚全保現於荊州荆門黃州漢陽各
營內抽調官兵一千五百名飭派曾經出師將弁
帶赴鄖陽交慶溥分佈要隘防守并於本標挑備

一千名聽候調用自應如此辦理但慶博惟當確探賊蹤於竄近邊界時卽須以剿爲堵不可僅株守邊界

初五日

巳酉

馬慧裕奏言

臣

接陝西藩司朱勳稟

報叛賊於十二日折回寧陝約有二千餘人現在各路大兵俱在西南恐該匪或竄往東北等

語

臣

查陝省之東北卽豫省之西南亟須嚴密

堵禦隨密札南陽鎮臣田永桐挑兵八百名前
赴浙川縣屬之西坪鎮河北鎮臣蔡鼎挑兵八
百名前赴盧氏縣屬之朱陽關官坡並令探明
何路緊急卽彼此知會合力堵截如需臣親往
巡防卽當前往督辦奏入

上命軍機大臣傳諭馬慧裕曰馬慧裕據朱勳所報
叛賊情形恐其竄往東北隨密札田永桐蔡鼎各

挑兵八百名前赴西坪鎮及朱陽關官坡各處駐
劄堵截俱與前次諭旨相合現在富翰百順已帶
領盛京黑龍江官兵由河南取道前赴陝省聽德
楞奏調派剿賊仍著馬慧裕確探賊蹤如該匪實
有向東奔竄之勢與豫省邊界不遠該撫卽當於
富翰等到豫境時傳旨令伊二人卽將所管官兵
並該省現調之兵督同田永桐等在陝豫邊界迎

頭奮剿全行截回陝境仍一面知會德楞泰令其帶兵跟蹤追剿以收夾擊之效如賊蹤距豫省邊境尙遠卽令富翰等帶領官兵速赴德楞泰一路以資剿賊之用不可遲延一日

初六日

庚戌

德楞泰方維甸奏言

臣

德楞泰昨日

行抵城固適

臣

方維甸迎頭前來探知叛賊復

回寧陝後又由賈家營東竄在穆王坪一帶遊

突並未他竄又據寧陝廳稟報該匪沿途攻撲
永固寨經寨首賈懷邦等督同獵戶擊斃賊匪
十人內有戴藍頂花翎賊目一名旗手一名經
寨民割取首級連翎頂旗幟呈驗又青崖寨石
灰寨亦各擊斃賊匪數名並查得叛賊十二日
攻撲焦家堡時經署同知李鼎督率寨上貢生
焦世彥並焦姓族人焦世貴等協同官兵守禦

於寨壕擊斃賊匪十人寨民高十五黃文學爲
賊匪戮斃前此自行投回絞犯王春隨同守禦
亦受箭傷矛傷身死等情臣德楞泰卽飭將該
寨民等賞給花紅銀牌銀兩優加獎勵現據楊
遇春呈報兵丁緝獲落後賊匪二名又據楊芳
稟報拿獲從賊投回之寧陝兵丁田宗信嚴文
禮岳興黃振江四名寧陝存營兵丁人人憤恨

皆欲生食其肉均經立時查訊正法看此情形
寨堡均能守禦擊賊新兵之未從賊者皆知恨
賊自不至復有勾結情事臣德楞泰本擬卽日

馳往東路督剿惟所調川省各路官兵尙未到
來現復飛機頻催一俟到兵四五千名卽當先
行趕剿至現在剿賊之事由德楞泰統率辦理

臣方維甸無應辦軍務擬卽遵

首回省將糧餉及彈壓地方事宜督同藩司朱勳妥
爲經理至賊首姓名臣方維甸前經詢訪係陳

達順陳先倫王俸三人爲首王文龍蒲拜子田

洪全陳才劉月勝康朝俸亦係同謀又詢之不

肯從賊半路投回密報賊信之馬兵李占榮亦

相符合此外又查有索貴吳老五劉興宋發元

董貴孫發王天才林大武并有與陳才同名一

賊均係賊目其苟文興一犯與苟文明等弟兄
行輩因搜捕時自行投出貸死入伍現亦隨同
叛賊充當賊目尙非首逆以上各犯現經懸賞
緝拿其李占榮本係藍翎把總緣事斥革復充
馬兵此次被賊縛去不肯從逆脫身稟報賊情
殊堪嘉獎其於賊管頭目均所認識現今跟隨
大營遇有緝拿之賊即可令其指認其前此洋

縣爬城之數十人卽係由寧陝大股分出賊匪
緣聲敘未明以致上煩

聖明垂詢實深惶悚理合一併具

奏奏入

上命軍機大臣傳諭德楞泰方維剛曰德楞泰等奏
行抵城固會商一切情形發摺時尙未與賊接仗
此時各路之兵計可陸續到營德楞泰當卽日督

率趕剿不可再有延緩至所奏叛賊滋事時寨民等能擊斃賊匪數人至十餘人不等此項寨民已據德楞泰等酌加獎賞此內有實在奮勉幫同出力者更當優加鼓勵或應賞給官職之處著德楞泰查明保奏至各營新兵不可置之不用前已屢次訓諭今據奏稱楊芳拿獲從賊投回之兵丁田宗信等該處存營兵丁同深憤恨皆欲生食其肉

等語可見新兵中能知大義者自復不少德榜奏
當再行剴切曉諭以爾等不爲所誘共矢同仇果
能殺賊立功卽可受賞得官勉圖上進似此開誠
導諭新兵自能帖服遇有進剿接仗等事仍與陳
兵等攬勻派調密爲控制庶使該兵等釋其疑懼
非特目前可息事端卽事定以後亦可照常歸伍
免致另生枝節也又據奏荷文興一犯現亦隨同

叛賊充當賊目尙非首逆該犯係苟文明等弟兄
從前免其一死此次復敢從逆充當賊目必當臨
陣拿獲凌遲處死此外爲首各逆務須按名拿獲
訊明屬實均應凌遲處死不可寬貸現已九月初
旬此次叛賊無多德楞泰總須趁此秋高氣爽之
時上緊剿辦至辦理糧餉軍火及彈壓地方事宜
均關緊要方維甸著卽回省妥協料理不可稍有

遲誤

同日勒保奏言查陝省逆匪鳴張臣先准德楞

泰咨會已檄調田朝貴唐文淑兩鎮帶兵二千

名赴陝協剿刻下太平通南一帶亦屬萬分喫

緊不可無大員帶兵彈壓請將豐紳暫留川省

帶兵督辦臣仍隨時偵探酌量緩急如果陝省

尚須兵力接濟再當酌派前往以資得力奏入

上命軍機大臣傳諭勒保曰勒保奏陝省叛賊滋事
前於接准德楞泰咨會時卽檄調田朝貴唐文淑
帶兵二千名赴陝協剿是川省已派出該二鎮馳
赴德楞泰軍營聽候調遣提督豐紳卽留於川省
邊境亦無不可應卽飭令該提督帶兵在通南一
帶督辦但不得以防堵爲名徒事株守當飭令於
太平通江南江一帶嚴密偵探設有匪徒乘間竄

入卽督兵迎頭截殺以剿爲堵

初七日

辛亥

全保奏言據報匪徒二千多人有奔

竄鎮安之勢相離鄖西縣邊境較近並准提臣

慶溥咨商鄖縣竹山竹谿等縣邊界綿長各汛

兵單不足以資防禦慶溥現已就近於襄鄖提

鎮兩標內續調官兵一千餘名前往分佈查鄖

西等四縣與陝省在在毗連地廣兵單尙覺不

敷堵守臣現將挑備省標官兵一千二百名各

派得力將弁分起管帶迅赴鄖陽一帶聽候提

臣慶溥調遣並將前派總兵吉林泰帶往巡邏

兵一千名飭令移赴房竹一帶以備策應當此

邊防緊要臣未便安坐省城卽於九月初三日

起程前赴襄鄖一帶相機督辦並籌備軍火糧

餉諸務奏入

上是之

初八日

壬子

倭什布奏言查寧陝護總兵胡定泰

經撫臣方維甸飭令鎮守彈壓署縣李鼎亦經

方維甸飭令實力守禦乃一聞賊匪折回輒行

避登寨堡實屬怯懦不職惟念該鎮屬地方甫

經賊擾城垣坍塌一時修補不及勢難扼守亦

屬實在情形且該鎮屬等退守焦家堡後尙能

督率兵民奮勇擊賊傷斃一百餘人並將賊目擊傷尙有一綫可原均應請

旨將護寧陝鎮總兵叅將胡定泰署寧陝同知石泉

縣知縣李晶一併先行摘去頂戴留於軍營効力贖罪再刻下叛賊竄赴鎮安境內於十八九

二十等日均在穆王坪火礮礮一帶屯聚二十
二日賊探已至沙溝口距鎮安城七十里德楞

秦已飛調楚省官兵由山陽前來截擊並調川

省官兵由南面兜剿其北面峪口一帶亦經調

寧夏鎮兵一千五百名派往防守均可毋虞惟

西路稍覺空虛臣營僅有官兵一千一百餘員

名尙覺單薄前已就近飛調河州鎮屬洮岷等

處兵五百名並涼州兵一千名迅速來營爲四

面合擊之計計甘省先後派調固原河州寧夏

及督標兵丁共六千餘員名例借俸賞行裝口糧馱脚及應支鹽菜夫價等項需費較多司庫無款可動已在本年冬季兵餉內借墊給發至日內據沔縣知縣陳肇稟報盤獲賊探潘登科一名又據署洋縣知縣朱點稟報盤獲賊匪二名均經訊明正法奏入

上命軍機大臣傳諭倭什布曰寧陝被賊殘燬之後

城垣坍塌修補不及本難扼守該鎮廳移駐焦家堡招集兵民防守尙屬一時權宜辦法與棄城失守者不同前已據德楞泰方維甸等奏及至該鎮廳退守焦家堡尙能奮擊賊衆傷斃百餘名並將賊目擊傷亦有微勞此時不加甄錄已足示儆不必再予懲處胡定泰李鼎均著免其摘去頂戴責令在營効力以觀後效

上又命軍機大臣傳諭山西巡撫同興曰倭什布奏
調派固原河州等處兵丁一切需費較多無款可
動暫在本年冬季兵餉內借墊給發等語甘省調
派兵丁需用較繁其司庫借墊之項亦應亟籌歸
款著同興接奉此旨卽於晉省藩庫無論何項銀
兩速行動撥銀三十萬兩派委妥員小心領解前
赴甘省交藩司蔡延衡收貯備用

十三日丁巳勒保奏言竊臣前因川北重慶兩鎮

總兵業經德楞泰檄調帶兵前赴陝省協剿是以

奏明令豐紳暫緩赴陝以資本境彈壓近日逆賊有東遁鎮安之勢是距漢江漸遠德楞泰又已將田朝貴唐文淑等專派在漢江南岸防堵江防有備川境自可無虞適奉

諭旨飭令豐紳馳赴陝境迎剿臣已飛咨豐紳令其

兼程迅速前往但豐紳祇帶省標兵五百名松

潘兵五百名兵力尙形單薄臣已飭催日內自

省起程赴陝之建昌新疆及永寧等營兵二千

名星夜馳往豐紳一路管帶前進其屯土各兵

現又專弁持令嚴催令其趕緊前往再臣探得

賊數雖有三千餘人而實在剽悍之賊不過數

百人其餘皆係烏合之衆又風聞賊匪中被脅
良民俱已紛紛乘間逸出其附和之無賴匪徒
聞大兵四集亦各攜其擄掠貨財潛行逃散且
聞賊匪中彼此意見不和竟有自相殘害者如
果屬實是賊營中業已人心渙散德楞泰厚集
兵力自可一鼓蕩事現在川省一提兩鎮俱已
帶兵赴陝臣不便再輕率出省馳往邊界以致

人心惶惑惟有隨時悉心籌辦奏入

上是之